



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի օգնականների դասավանդման հմտությունների զարգացման ապահովում» ծրագիր

## ՀԵՏԱԶՈՏԱԿԱՆ ԱՇԽԱՏԱՆՔ

|                        |   |
|------------------------|---|
| Դպրոց՝                 | ՀՀ Շիրակի մարզի «Արևիկի միջնակարգ դպրոց»<br>ՊՈԱԿ  |
| Առարկա՝                | Երաժշտություն   |
| Թեմա՝                  | Սովորողների մեջ արժեհամակարգի<br>ձևավորումը երաժշտություն առարկայի<br>դասավանդման ընթացքում |
| Վերապատրաստող, մենթոր՝ | Դավիթ Վարժապետյան   |
| Ուսուցիչ՝              | Արմինե Դիլբարյան  |

2023թ.

# Բովանդակություն

|   |    |
|---|----|
| Ներածություն .....  | 3  |
| Գլուխ Ա Արժեքային համակարգ.....   | 6  |
| Գլուխ Բ Գեղարվեստական կրթությունը և դերը արժեհամակարգի<br>ձևավորման զարգացման գործում.....            | 11 |
| Գլուխ Գ Սովորողների մեջ արժեհամակարգի ձևավորումը<br>երաժշտություն առարկայի դասավանդման ընթացքում..... | 16 |
| Եզրակացություն.....   | 21 |
| Գրականության ցանկ.....  | 23 |

# Ներածություն

**ՆՊԱՏԱԿ.** Նոր սերնդի արժեհամակարգի ձևավորման, կրթության և դաստիարակության գործում լուրջ անելիքներ ունի հայ դպրոցը, որի նպատակն է կերտել բարոյական, ազգային արժեքներով օժտված, ազգային նկարագիր ունեցող սերունդ:

Հայաստանի Հանրապետության պետական չափորոշչում՝ որպես կրթության բովանդակային բաղադրիչ ներառված է արժեքային համակարգի ձևավորումը:

Հետևաբար անհրաժեշտ է ուսումնասիրել ու կատարելագործել ոչ միայն հայրենի և համաշխարհային գիտության և արվեստի ճյուղերը՝ այդ թվում՝ երաժշտությունը:

**Կարևորությունը.** Կարևոր է հաշվի առնել մանկավարժության անցյալի փորձը, ժառանգությունը, բարոյական և հոգևոր արժեքների ձևավորման ու զարգացման գործում նպաստելու համար:

Երգեցողության ժամանակ զարգանում են երեխաների ստեղծագործական ունակությունները: Տարբեր երգերի միջոցով երեխան ստեղծություններ է ստանում բնության երևույթների, շրջապատի մասին, կարողանում է արտահայտվել, պատմել նրա բովանդակությունը, որը և զարգացնում է երեխայի խոսքը, բառապաշարը:

**Խնդիրներ.** Երգեցողությունը օգնում է երեխայի լեզվական թերությունների վերացմանը, երգելիս բառերը արտասանվում են երկարացված, և այդ հանգամանքը նպաստում է առանձին հնչյունների, բառերի պարզ, արտահայտիչ արտաբերմանը:

Երգեցողությունից է երեխան ստանում իր առաջին երաժշտական սպավորություններն ու զգայական ընկալումը:

Մարդկության զարգացմանը զուգահեռ երաժշտությունը անհատի հոգեկան աշխարհի կամ մի ամբողջ մշակույթը բնութագրող, բացահայտող և ներկայացնող խորհրդանիշ է: Երաժշտության կարևորագույն առանձնահատկությունն այն է, որ այն մարդու զգայարանների վրա թողնում է անմիջական և ուժեղ ազդեցություն:

Ահա թե ինչպես է արտահայտվել երաժշտության ազդեցության մասին մեծն Կոմիտասը.

*«Մեկ հասկացված, անկեղծ ձայն հազար ճառ կարժե, որովհետև ճառը պետք է մարսե հասարակությունը, որ կարենա անկե սնունդ առնել, ինչ-որ ժամանակներու գործ է: Իսկ ձայնը վայրկյանին մեջ կթափանցե մարդու կուրծքեն ներս և այնտեղ կհիմնե զգացման և մտքի վառարան »:*

Կարևոր է նկատի ունենալ, որ սովորողների գեղարվեստական հմտությունների զարգացումն ու արժեքային համակարգի ձևավորումը դիտվում են որպես բոլոր թեմաների ուսուցմանն ուղեկցող խնդիրներ: Երաժշտությունը կատարյալ միջոց է բոլոր երեխաներին և մասնավորապես՝ կրթական առանձնահատուկ պայմանների կարիք ունեցող երեխաներին ուսուցման գործընթացում ներառելու համար: Երաժշտական փորձառությունը կարող է նրանց համար արդյունավետ լինել լեզվական, ճանաչողական և շարժողական կարողությունների զարգացման համար՝ միաժամանակ նպաստավոր պայմաններ ստեղծելով սոցիալականացման համար: Արվեստը հասկանալու բանալին առօրեականի և գեղարվեստականի փոխհարաբերության ընկալումն է, սովորողը արվեստի առարկաների դասավանդման ընթացքում իր ստացած գիտելիքների, ձևավորված հմտությունների, վերաբերմունքի և արժեքների շնորհիվ պետք է հասկանա, ընկալի, թե

ինչպես է առօրեականը արվեստի միջոցով դառնում կատարյալ, այսինքն՝ գեղարվեստական:

Ժ. Պիաժեն անձի արժեքային կողմնորոշումների զարգացումը կապում է ինտելեկտուալ զարգացման մակարդակի հետ: Նա համարում էր, որ բարոյական դատողությունների ներքնայնացումը երեխաների մոտ տեղի է ունենում զարգացող մտածողական կառուցվածքների և աստիճանաբար ընդլայնվող սոցիալական փորձի փոխազդեցության արդյունքում:

## Գլուխ Ա Արժեքային համակարգ

Արժեքային կրթությունը ի սկզբանե կրթության անքակտելի բաղադրիչն է եղել: Ինչպես ամբողջ աշխարհում, Հայաստանում էլ այսօր արժեքային կրթությունը հասարակությանը հուզող խնդիրներից մեկն է: Արժեհամակարգի ձևավորման և նրա հարաբերական կայունության ապահովման համար հանրակրթության բնագավառում կարևոր և անփոխարինելի նշանակություն ունեն բոլոր ուսումնական առարկաները:

Հետազոտողների մի լայն շրջանակ ուսումնասիրում է արժեքները՝ վերջիններս դիտարկելով մշակութային տարբեր խմբերում առկա արժեքային համակարգի տարբերությունները և նմանությունները: Փիլիսոփայության մեջ գոյություն ունի արժեքների բնույթի մասին ուսմունք, որը կոչվում է *աքսիոլոգիա* (հունարեն՝ *ἀξία* - արժեք, *λόγος* - բան, խոսք, բառացի՝ ուսմունք արժեքների մասին): Աքսիոլոգիան փիլիսոփայական ուսմունք է արժեքների բնույթի, իրականության մեջ նրանց տեղի և արժեքային աշխարհի կառուցվածքի մասին:

Արժեքների ձևավորման ուսումնասիրության մեջ իր ուրույն տեղն ունի Մ. Մեսսեյը: Հեղինակը կարծում է, որ մարդու արժեքային համակարգը ձևավորվում է մի քանի փուլերի ընթացքում.

**1-ին փուլ – *Նրոշմի*:** Այս փուլը ընդգրկում է երեխայի՝ մինչև 7 տարեկան դառնալը: Ըստ Մ. Մեսսեյի՝ երեխաներն այս փուլում նման են «սպունգի», կլանում են այն ամենը, ինչը տեղի է ունենում իրենց

շրջապատում և ընդունում են գրեթե ամեն ինչ որպես բացարձակ ճշմարտություն, հատկապես, եթե դա փոխանցում են ծնողները:

**2-րդ փուլ – *Կրկնօրինակման:*** Այս փուլը ընդգրկում է երեխաների 8-13 տարեկան հասակը: Այս փուլում երեխաները կրկնօրինակում են իրենց ծնողներին, ուսուցիչներին, համադասարանցիներին, շրջապատող մարդկանց:

**3-րդ փուլ – *Սոցիալականացման:*** Այս փուլը տևում է 13 տարեկանից մինչև 21 տարեկանը : Այս փուլում երեխաների համար շատ կարևոր է իրենց հասակակիցների կարծիքը և կրում են նրանց ուղիղ ազդեցությունը իրենց վրա: Արժեքների ձևավորման այս փուլում, շատ մեծ ազդեցություն ունեն հուզական իրադարձությունները:

Արժեքների ուսումնասիրության բնագավառում իր ուրույն հետազոտությունն է կատարել Շվարցը: Ըստ հեղինակի, երբ մարդ մտածում է արժեքների մասին առաջին հերթին առանձնացնում է, թե որ արժեքներն են առավել կարևոր իր համար կյանքում: Որոշակի կոնկրետ արժեք կարող է կարևոր լինել մեկի համար, բայց բացարձակ անկարևոր մյուսի համար: Արժեքների տեսություններում կարևորվում է այն հայեցակարգը, որտեղ առանձնացվում են արժեքների ներքոնշյալ վեց հատկանիշները.

Արժեքները համոզմունքներ են: Մարդիկ, որոնց համար անկախությունը կարևոր արժեք է, «սթափվում» են , երբ նրանց անկախությունը վտանգվում է, հուսահատվում են, երբ անկարող են լինում այն պաշտպանելու, և վերջապես երջանիկ են, երբ կարող են վայելել այն:

Արժեքները կապված են ցանկալի նպատակների հետ, որոնք մոտիվացնում են մարդուն կատարելու որոշակի գործողություններ: Աշակերտի արժեքների ձևավորման վրա ազդող գործոններից են

ավանդական միջոցները, այսինքն՝ աշակերտի մեջ աշխարհի նկատմամբ վերաբերմունքի և հասարակության հետ հարաբերության, սեփական անձի նկատմամբ վերաբերմունքի ձևավորումը ընտանիքի և սոցիալական միջավայրի միջոցով: Սակայն սովորողների այդ միջավայրին բնորոշ արժեքների, կանոնների, չափանիշների, հայացքների յուրացումը միշտ չէ, որ համապատասխանում է հասարակության կողմից ընդունված արժեքներին և խրախուսելի չափանիշներին: Ավանդական միջոցների յուրացումը լինում է չգիտակցված՝ վարքի ընդունված կանոններն ընդօրինակելու միջոցով:

Արժեհամակարգային դաստիարակությունը դրսևորվում է աշակերտի վարքի ու շփման հարաբերությունների որոշ մակարդակում՝ խոսքում, արտաքին տեսքում, ազատ ժամանակն անցկացնելու ձևում, ապրելակերպում և այլն: Տարիքային դաստիարակությանը բնորոշ են հակումը դեպի մշակույթի որոշակի շերտերը: Այստեղ ամենակարևորը մանկավարժների կողմից «աշակերտների մեջ կյանքի նկատմամբ դրական վերաբերմունքի, ապրած ամեն մի օրվա համար ուրախության զգացում ապրելու և շնորհակալ լինելու ունակության ձևավորումն է»:

Աշակերտի արժեքների ձևավորման վրա ազդող մյուս գործոնը միջանձնային հարաբերություններն են կամ իրենց համար հեղինակավոր, երևելի մարդկանց հետ շփումները (ծնողներ, ուսուցիչներ, մեծահասակներ, ընկերներ և այլն): Այս հեղինակավոր անձինք կարող են լինել նաև աշակերտի վրա ներգործող հասարակական այս կամ այն կազմակերպությունների անդամները, դպրոցի տնօրենը, դասուցիչը, ուսուցիչը և այլն: Աշակերտը նրանցից կարող է ստանալ արժեքների վերաբերյալ ինչպես դրական մոդելներ, այդպես նաև բացասական: Բացասական մոդելները հակում ունեն ձևավորվելու ավելի արագ և անդառնալի բացասական ազդեցություն կարող են



ունենալ սովորողի անձի արժեքային ճիշտ դաստիարակության վրա: Հետևաբար արժեքների դաստիարակության այս բնագավառը պահանջում է մանկավարժական խստագույն վերահսկողություն և ըստ հարկի՝ նաև միջամտություն:

Աշակերտի արժեքների ձևավորման խնդիրները բնականաբար լուծվում են ոչ միայն ընտանիքում, այլ նաև ուսումնական հաստատություններում՝ ուսումնադաստիարակչական գործընթացի միջոցով: Ուսուցման դաստիարակչական ներգործությունը օբյեկտիվ օրինաչափություն է, որովհետև աշակերտների համար ուսուցումը գործունեության հիմնական տեսակն է, դրա համար էլ այն կարևոր դեր է կատարում նրանց անձի ձևավորման գործում: Ուսուցման գործընթացի դաստիարակչական ներգործության հարուստ աղբյուր է բուն գործընթացի բովանդակությունը, որովհետև ընտրելով դաստիարակչական առումով հիմնական գաղափարները, օրենքները և հասկացությունները՝ ուսուցիչը հնարավորություն է ստանում առարկայական ծրագրերի բովանդակության յուրացման միջոցով աշակերտների մեջ սերմանել քաղաքական, իրավական, բարոյական, գեղագիտական, բնապահպանական և այլ գիտելիքներ ու վերաբերմունք: Յուրաքանչյուր դասի ժամանակ ուսուցիչը որոշակի դաստիարակչական խնդիրներ է լուծում՝ հաշվի առնելով տվյալ առարկայի և թեմայի ուսումնասիրման հիմնական խնդիրները, որոնք ներկայացված են առարկայական ծրագրերում: Նա առանձնացնում է ընդհանուր դաստիարակչական խնդիրները, որոնք առանձին աշակերտների մոտ հաճախակի են դրսևորվում: Ուսուցիչը ուսուցման կազմակերպման տարբեր ձևերի ընտրության միջոցով (անհատական, խմբային, էքսկուրսիա, դասողեկական ժամ, արտադասարանական միջոցառումներ

և այլն) առավել արդյունավետ է դարձնում աշակերտների արժեհամակարգային դաստիարակչական խնդիրների լուծումը:

## ԳԼՈՒԽ Բ

### Գեղարվեստական կրթությունը և դերը արժեհամակարգի ձևավորման զարգացման գործում

Գեղարվեստական կրթության գործընթացը ապահովում է անհատի կողմից ազգային և համամարդկային մշակույթի ընկալումն ու յուրացումը, ինչը անհատի ձևավորման, հոգևոր, մտավոր և ստեղծագործական անհատականության զարգացման կարևորագույն միջոցներից է: Կարևոր է նկատի ունենալ, որ սովորողների գեղարվեստական հմտությունների զարգացումն ու արժեքային համակարգի ձևավորումը դիտվում են որպես բոլոր թեմաների ուսուցմանն ուղեկցող խնդիրներ: Երաժշտությունը կատարյալ միջոց է բոլոր երեխաներին և մասնավորապես՝ կրթական առանձնահատուկ պայմանների կարիք ունեցող երեխաներին ուսուցման գործընթացում ներառելու համար: Երաժշտական փորձառությունը կարող է նրանց համար արդյունավետ լինել լեզվական, ճանաչողական և շարժողական կարողությունների զարգացման համար՝ միաժամանակ նպաստավոր պայմաններ ստեղծելով սոցիալականացման համար: Արվեստը հասկանալու բանալին առօրեականի և գեղարվեստականի փոխհարաբերության ընկալումն է, սովորողը արվեստի առարկաների դասավանդման ընթացքում իր ստացած գիտելիքների, ձևավորված հմտությունների, վերաբերմունքի և արժեքների շնորհիվ պետք է հասկանա, ընկալի, թե ինչպես է առօրեականը արվեստի միջոցով դառնում կատարյալ, այսինքն՝ գեղարվեստական: Գեղագիտական դաստիարակությունը գեղեցիկը ընկալելու, զգալու, գնահատելու և գեղագիտական արժեքներ ստեղծելու, համապատասխան

ընդունակությունների, գեղագիտական գործունեության կարողությունների ու հմտությունների, գեղագիտական ճաշակի ձևավորման գործընթաց է: Այն անհրաժեշտ է ամեն մի դպրոցականի՝ անկախ նրա օժտվածության աստիճանից և ապագա մասնագիտությունից: Սովորողի գեղագիտական դաստիարակությունը բարդ և հետևողական գործընթաց է, որը իրականացվում է ոչ միայն արվեստի առարկաների դասավանդման ընթացքում, այլև արտադասարանական միջոցառումների ժամանակ, որի ընթացքում սովորողը լրացուցիչ տեղեկություններ է ստանում տվյալ թեմայի վերաբերյալ, հաճախ ինքն է նախապատրաստում սցենարը, կարդում է բազմաթիվ նոր նյութեր և տեղեկություններ, միաժամանակ հաղորդակցվելու և ինքնուրույն գեղարվեստական գործունեություն ծավալելու միջոցով շփվում է արվեստի տարբեր տեսակների հետ (երաժշտություն, գրականություն, կերպարվեստ, դերասանական խաղ, պար և այլն), որով ընդլայնվում է նրա մտահորիզոնը, ձևավորում, զարգացնում նրա գեղագիտական ճաշակը:

Արվեստը հասարակական գիտակցության ձև է, մարդու ստեղծագործ աշխատանքի և հոգևոր մշակույթի տեսակ, իրականության ծանաչման յուրահատուկ եղանակ: Իրականությունը արվեստի միջոցով արտահայտվում է գեղագիտորեն, գեղարվեստական կերպարների միջոցով՝ ողբերգական կամ հերոսական, վեհ կամ նսեմ և հատկապես գեղեցիկ կողմերը: Գեղագիտական երևույթները ընկալվում են լսողությամբ և տեսողությամբ: Օրինակ նկարիչը պատկերելով իր ժամանակի տգե՛ղ, այլանդակ երևույթները՝ արվեստագետը ժամանակակիցներին ստիպում է այդ երևույթները վերապրել անբարյացակամության զգացումով և ձգտել դեպի գեղեցիկը, վեհը:

Երաժշտության մեջ օրինակ Վոլֆգանգ Ամադեուս Մոցարտի ստեղծագործությունները շատ լուսավոր են և նույնիսկ «Ռեքվիեմ»-ը, որն սգո հանդիսության ստեղծագործություն է, գրված է լուսավոր լավատեսությամբ: Առհասարակ Մոցարտի երաժշտությունը ձևավորում է անհատի մոտ ոչ միայն բարու և լուսավորի մասին վառ պատկերացումներ այլև ունի թերապևտիկ հատկություններ:

Այդ թվում են Նան Անտոնիո Վիվալդին իր «Տարվա եղանակները» 4 կոնցերտից բաղկացած ստեղծագործությամբ, Լյուդվիգ Վան Բեթհովենի ստեղծագործությունները՝ նա լսողություն չունենալով հանդերձ ստեղծել է շատ հայտնի գործեր: Ուսումնասիրությունները, որոնք տարվում են երաժշտական ճանաչողության ոլորտում, փորձում են բացահայտել երաժշտություն լսելու հետ կապված բարդ մտավոր գործընթացները:

Լսողություն չունեցող մարդիկ կարող են զգալ երաժշտությունը իրենց մարմնում տեղի ունեցող տատանումների միջոցով, որին կարելի է հասնել այն դեպքում, երբ անհատը իր ձեռքում պահում է ռեզոնանս, սնամեջ առարկա:

Բախի ստեղծագործության բազմազան ու խոր ժառանգության վեհությունը գնահատելով՝ Բեթհովենը գրել է՝ «Nicht Bach! - Meer sollte er heiften» - «Ոչ թե առվակ, այլ Ծո՛ւլ պետք է լիներ նրա անունը»:

Բախի ստեղծագործական ժառանգությունը չափազանց մեծ է: Նրա «Պասսիոնը ըստ Մատթեոսի» և «Պասսիոնը ըստ Հովհաննեսի» հոգևոր բովանդակության ստեղծագործություններում ընդհանրացված է ժողովրդի բարօրության համար իրեն զոհաբերող մարդու տանջանքի և բարոյական տոկունության թեման:

Կոմիտասի ստեղծագործությունները, որոնց հետ առարկայի դասավանդման գործընթացում առնչվում են սովորողները,

տիեզերական վեհություն ունեն և ազգային արժեհամակարգի ձևավորման գանձարան են :

Կոմիտասի կյանքը և ստեղծագործական ուղին ուսումնասիրելով աշակերտները ավելի ու ավելի են հարստացնում իրենց արժեհամակարգը: Կոմիտասի անձնական օրինակը և նրա անցած ուղին փաստող հայտնի գործիչների հուշերից դրվագ:

*Բեռլին գտնված միջոցին հայ ժողովրդական երգերը անձնապես ցուցադրած համերգեն վերջ, Բեռլինի օպերայի տնօրենը անձամբ կհրավիրե զինքը իբրև օպերայի գլխավոր երգիչ և կխոստանա բացառիկ վճարում: Կոմիտասը կպատասխանե անոր. «Իմ երգչի կարողությունները մեկ նպատակի միայն կծառայեն, մեծ ժողովուրդիս երգն ու երաժշտությունը ծանոթացնել երաժշտական աշխարհին և ապացուցել, որ հայ ստեղծագործ ժողովուրդը սկզբնական դարերեն ունեցեր է իր ինքնուրույն երգն ու երաժշտությունը»...:*

### **Հրայր Աճառյան**

*Կոմիտասը մեր ժողովրդի հպարտությունն է, նրա գործը՝ մեր ազգային անսպառ հարստությունը... Նա հայտնագործել է մեր ազգային երգը, հայկական երաժշտությունը, ազգային մելոսը՝ ինքնուրույն և անաղարտ: Նա հիմն է դրել ազգային երաժշտական կուլտուրային... Կոմիտասը հայ երգով լույս աշխարհ հանեց դարերի խավարի մեջ կեղեքված ժողովրդի խուլ բողոքն ու ցասումը բռնության, ստրկության դեմ. նրա խեղդված վիշտը, իրավագուրկ կյանքը և պայծառ ապագայի հանդեպ տաժած հավատը:*

### **Ավետիք Իսահակյան**

*Ոչ ոք ինձ չի կարող մեղադրել չափազանցության համար, եթե ես ասեմ, որ Կոմիտասի այդ համերգը (Փարիզ, 1906) մի հեղաշրջում էր և իր հայտնությամբ զարմացրեց մեզ: Ներկաներից ոչ ոք, ի բացառյալ նուրբ*

գիտակաների, պատկերացնել չի կարող այդ արվեստի գեղեցկությունը, որը, ըստ էության, ոչ եվրոպական է, ոչ արևելյան, բայց եզակի է իր տեսակի մեջ:

*Սորբոնի համալսարանի պրոֆեսոր, երաժշտական քննադատ՝ Լուի Լալուա*

## ԳԼՈՒԽ Գ

### Սովորողների մեջ արժեհամակարգի ձևավորումը Երաժշտություն առարկայի դասավանդման ընթացքում

Երաժշտությունը, ինչպես և արվեստի մյուս տեսակները, արտացոլում և պատկերում է մեր իրականությունը՝ շրջակա աշխարհը, մարդկանց, բնության երևույթները: Երաժշտությունը առաջին հերթին հաղորդակցության միջոց է մարդկանց միջև, սերունդների միջև, տարբեր ազգերի միջև, հատուկ միջոց է ինքնաարտահայտվելու ինքն իրեն և մյուսներին հասկանալու համար: Իսկ առօրյա կյանքում երաժշտությունը ուղեկցում է մարդուն ամենուր, բացահայտում է նրա վերաբերմունքը շրջակա աշխարհի նկատմամբ, հարստացնում է նրա հոգեկան աշխարհը, օգնում է նրան ապրել, աշխատել և ստեղծագործել:

Երաժշտական կրթությունը ուսումնական գործընթաց է, որն ուղղված է այն կարողունակությունների ձևավորմանը, որոնց միջոցով զարգանում է ակտիվ, անհատական մոտիվացիայով սովորող, որը ընդունակ է ինքնակրթվել և ամբողջ կյանքում պահպանել հետաքրքրությունը բարձրակարգ երաժշտության և ընդհանրապես արվեստի նկատմամբ: Այն նպաստում է նաև սովորողի մտահորիզոնի ընդլայնմանը, երևակայության, ստեղծագործական և վերլուծական մտածողության զարգացմանը, գեղագիտական և բարոյական չափանիշների, հայրենասիրական և մարդասիրական զգացումների ձևավորմանը, կյանքի և շրջապատող աշխարհի նկատմամբ ստեղծագործական վերաբերմունքի դրսևորմանը: Խոսելով ընդհանուր սովորողների մտահորիզոնի ընդլայնման և արժեքային համակարգի ձևավորման



մասին պետք է հաշվի առնել նաև այն, որ այս գործում իր կարևորագույն դերը ունի մեր ազգային մշակույթը:

Ազգային մշակույթ ասելով՝ հասկանում ենք արժեքների այնպիսի համակարգ, որը բնորոշ է կոնկրետ ազգի, ստեղծվել է այդ ազգի մշակութային համակարգում: Իսկ ազգի մշակույթը դիտարկելիս ի նկատի ունենք հատկապես այն արժեքների ամբողջությունը, որոնք ժամանակին, մշակութային փոխներթափանցման միջոցով վերցրել է կոնկրետ ազգը և դարերի ընթացքում հանդես բերել սեփական մոտեցումներով:

Ազգային երգը, ազգային մշակույթի արժեքների համակարգում գրավելով իր կարևորագույն տեղերից մեկը, իր վրա է կրում ազգային գենետիկ կոդը, առաքելությունը, ազգային լեզվամտածողությունը, կեցությունը, ներքին հոգեկան զգացումի արտահայտության ձևը:

Կոմիտասը փայլուն գիտեր ազգային երգի արժեքը, նա գիտեր՝ ինչ երգեր է գրառում և թողնում սերունդներին: Այդ պատճառով էլ հենց նրա գրառած երգերն ընտրեց կատարման ու տարածման համար:

Ազգային երգը, բացի Կոմիտասից, մեր երգահաններից գրառել են Քրիստափոր Կարա-Մուրզան, Սպիրիդոն Մելիքյանը, Մակար Եկմայանը և այլոք: Իսկ ո՞րն էր Կոմիտասի արժեքը և յուրահատկությունն այդ գործում: Տիգրան Մանսուրյանը հայ ազգային երգերի, պարեղանակների Կոմիտասի գրառումները շատ պատկերավոր համեմատում էր թիթեռի թռիչքը թղթի վրա զետեղելու հետ: Ընդ որում այնքան վարպետորեն, որ մեղեդին բացարձակապես չի կորցնում իր բնական հնչողությունը՝ ներկայանալով ճիշտ այն գույներով, որպիսին ստեղծվել է: Նրա գրառած երգերը իսկապես արժեք են, և դրանց մեջ ես տեսա նրա խմբերգերի բնագիր երգերը ու հիացած զարմացա՝ ինչպես է կարողացել այդ պարզ մեղեդիների արժեքը ոչ միայն հասկանալ, այլև

դրանք համադրելով ստանալ երաժշտական գունային հարուստ կտավ ու սերունդներին թողնել խմբերգերի անգնահատելի հարուստ ժառանգություն»:

«Երաժշտություն» առարկան հանրակրթական դպրոցում դիտվում է որպես արվեստի դասվանդման միջոց, որի հիմքում ազգային և համամարդկային երաժշտությունն է: Այն կրթության և դաստիարակության բնագավորի կարևորագույն բաղադրամասերից մեկն է, առանց որի թերի կլինի ժամանակակից մարդու մտավոր և հոգևոր զարգացումը:

Պատահական չէ, որ 1-ին դասարանում երաժշտության դասավանդումը սովորողների մոտ պետք է

- ձևավորի և զարգացնի երեխաների գեղագիտական ճաշակը
- Հայկական ժողովրդական, դասական և համաշխարհային բարձրարժեք երաժշտության միջոցով դաստիարակի երաժշտությունը գնահատող, գիտակ և ակտիվ ունկնդիր:

1-7 դասարանների երաժշտության դասընթացի բովանդակությունը հարուստ է հոգևոր մշակույթի գանձերով՝ սկսած հայ ազգային երաժշտության ակունքներից կոմպոզիտորական ստեղծագործություններից մինչև 21-րդ դարի ազգային և համաշխարհային գլոխագորիսոցները: Բացի արվեստի ստեղծագործությունների վերլուծությունից՝ ուսումնական նյութերում բացահայտվում են մշակույթի զարգացման գործընթացները, գեղագիտական գործընթացները, գեղագիտական տարբեր ուղղությունների ու միտումների բախումը, տարբեր ժողովուրդների մշակութային նվաճումները, առանձին արվեստագետների գեղարվեստական լեզուն և արտահայտչամիջոցներ: Այս ամենի շնորհիվ միայն կարելի է հասնել աշակերտների արժեքային

համակարգերի ձևավորմանը, իսկ արդեն հետագայում ավելի խորացնելով ու ձեռք բերելով հմտություններ, մենք փորձում ենք օգտագործել այն հզոր միջոցը, այն է երաժշտության հուզական, կապը արվեստի տարբեր ճյուրի հետ սինթեզելով ու հիմք դնելով նոր գեղագիտապես ու արժեքներով օժտված ու դասիարակված աշակերտների:

5-7-րդ դասարանցիների տարիքային և հոգեբանական բազում առանձնահատկություններ կան, որոնք կապված են նրանց երաժշտական ընդունակությունների զարգացման ու մարդկային լավագույն արժեքների ընկալման հետ: Այդ տարիքում ակտիվ զարգանում են երեխաների մտավոր, հոգևոր, ֆիզիկական ու գեղագիտական կարողություններն ու հմտությունները:

5-7-րդ դասարանցիները բնութագրվում են, որպես ակտիվ, շարժուն աշակերտներ, որոնց հետաքրքրությունների շրջանակը մեծ է ու բազմակողմանի: Նրանց եզրահանգումներն ավելի ինքնուրույն են, երևակայությունը՝ կոնկրետից վերացականին գնացող: Այս տարիքում սկսում է ձևավորվել իրականության հանդեպ ստեղծագործական վերաբերմունքը: Այս շրջանում զարգանում են երաժշտության նկատմամբ աշակերտի հետաքրքրությունները, նրա բնավորությունը, ազգային դիմագիծը, բարոյահոգեբանակն խառնվածքը և այլն: Ակտիվ են զարգանում ճանաչողական ունակությունները՝ ընկալումը, հիշողությունը, մտածողությունը, կարողությունը, ստեղծագործական երևակայությունը, առաջ են գալիս ավելի բարձր գիտակցությունը, բարոյական նորմերի ընկալումը և գեղագիտական զգացողությունը:

Դպրոցական առարկաների համակարգում արվեստները, մասնավորապես երաժշտությունը, հանդես են գալիս ոչ միայն ինրև

սովորովների գեղագիտական դաստիարակությունը ապահովող, նրանց հուզագգացմունքային զարգացումը կազմակերպող, այլ նաև կրթական համակարգը մարդկայնացնող միջոց: Պատահական չէ, որ դեռ 5-րդ դարում Սահակ-Մեսրոպյան առաջին հայկական դպրոցներում, երաժշտությանը տրվել է կարևոր դեր և նշանակություն: Փոխվում են ժամանակները, փոխվում են նաև ուսուցման ու դաստիարակության պահանջներն ու բովանդակությունը, մեթոդները, սակայն երաժշտությունը շարունակում է կատարել դաստիարակող, արժեքներ ձևավորով և զարգացնել իր առաքելությունը:

## Եզրակացություն

Այս հետազոտական աշխատանքը շոշափում է մի այնպիսի թեմա, որը անկասկած շատ մեծ նշանակություն ունի Հայաստանի և հայ ժողովրդի համար: Խոսքը գնում է ազգային արժեքային համակարգի ձևավորման մասին երաժշտության դասերին:

- Հոգևոր և բարոյագեղագիտական բարձր արժեքներով օժտված մարդ և ակտիվ ունկնդիր:
- Երեխայի երաժշտական դաստիարակության հիմքում դրվում է ազգային երաժշտությունը՝ չբացառելով նաև այլ ժողովուրդների և դասական կոմպոզիտորների ստեղծագործությունները:
- Ձևավորել և զարգացնել սովորողների երաժշտական ընդունակությունները, երգչային ձայնը, կատարողական հմտությունները
- Զարգացնել երաժշտական ստեղծագործություններ բնույթը, բովանդակությունը, ձևը, կառուցվածքը հասկանալու և ինքնուրույն եզրահանգումներ կատարելու կարողությունը
- Բացահայտել և զարգացնել սովորողների ստեղծագործական երևակայությունը, նպաստել ինքնձանաչմանը և ինքնարտահայտմանը
- Մովորելցնել ընկալել երաժշտության բնույթը, երաժշտական կերպարների զարգացումը և արտահայտել մարմնի շարժումներով,
- Արմատավորել մարմնի շարժումներին տիրապետելու, պարային շարժումներ կատարելու կարողություն, ամբողջական պարերի իմացություն:

Հենց այս պատճառով է, որ կրթության հենքը և գլխավոր իմաստը պետք է դառնա արժեհամակարգի ձևավորումը, իսկ երբ վերանում են արժեքների ձևավորման ազգային և համամարդկային ընդհանրական չափանիշները, և վարքի կարգավորիչ են դառնում իրավիճակն ու պահի նպատակահարմարություն, արժեհամակարգի գոյությունը կամ քացակայությունը դառնում է ազգային-հասարակական կարևորության խնդիր, որովհետև արժեհամակարգը պետք է ձևավորվի ազգային հոգևոր-բարոյական ընդհանրականության հիմքի վրա:

## ԳՐԱԿԱՆՈՒԹՅԱՆ ՑԱՆԿ

1. Ա. Գևորգյան, Ազգային կրթության դերն ու նշանակությունը սովորողների հայեցի դաստիարակության գործընթացում, Եր., 2002, էջ 65
2. Բաբանսկի Յու.-Աշակերտների դաստիարակությունը կոմպլեքսային մոտեցում:
3. Մուղրիիկ Ա.Վ.-Դպրոցականի անձը և նրա դաստիարակությունը կոլեկտիվում
4. Յու.Յուզբաշյան , Ա.Ա.Փահլևանյան, Վ.Ի Ավետիսյան Երաժշտությունը 1-4-րդ դասարաններում: Ուսուցչի մեթոդական ձեռնարկ:
5. Յու.Յուզբաշյան , Ա.Ա.Փահլևանյան, Վ.Ի Ավետիսյան Երաժշտությունը 5-7-րդ դասարաններում: Ուսուցչի մեթոդական ձեռնարկ;